

Psal. LXVII, quod et Josephus testatur. 6. Sonus buccinæ vehementius perstrebat, ut dicitur ꝑ. 16, hujus cap. VII. Angelus e Sina voce horrisona Decalogum promulgabat.

Hæc autem omnia eo spectabant, ut Hebræi sacro quodam norrore ac timore corriperentur, uti satis insinuat Moyses cap. seq. ꝑ. 20 dicens: *Ut probaret vos venit Deus (scilicet in ista majestate) et ut terror illius esset in vobis, et non peccaretis.* Hic ergo significatum fuit, quomodo lex synagogæ esset lex timoris, prout Lex evangelica est Lex amoris: unde et hoc cap. ꝑ. 16 dicitur populus timuisse, non legitur amasse. *Illum quippe populum timor legis coerebat; nam est brevissima et apertissima differentia duorum Testamentorum, timor et amor: illud ad veterem, hoc ad novum hominem pertinet.* S. P. Aug. lib. cont. Adim. cap. 17.

Petes 2, quandiu manserint Hebræi in solitudine Sinae.

R. Anno integro exceptis 13 diebus; siquidem in Sinae venerunt quadragesimo septimo die post exitum de Ægypto, seu die tertia mensis tertii anni primi, ut ex supra dictis constat: inde autem discesserunt die 20 mensis secundi anni secundi, ut liquet ex Num. X, 11, ubi dicitur: *Anno secundo, mense secundo, viagesima die mensis elevata est nubes de tabernaculo fæderis.* ꝑ. 12: *Profectique sunt filii Israel per turmas suas de deserto Sinai, et requievit nubes in solitudine Pharan.* Eo autem tempore, quo manserunt in Sina, Deus formavit rempublicam et synagogam Judæorum, leges dictando, sacerdotium, sacrificia, et varias cærenonias instituendo: ac proinde 12 hæc mansio in Sina fuit omnium mansionum celeberrima.

CAP. XX. XXI. XXII. XXIII.

Angelus de monte Sinai vice Dei proclamat Decalogum omni Israeli: Moyses ascendit ad Deum in caligine verticis latitatem, jubeturque ab eo facere altare de terra, vel lapide insecto. Deinde cap. XXI a Deo accipit præcepta judicialia circa servos et ancillas, furta, homicidia, parentum maledicta et rixas, denuntiatque legem talonis. Cap. vero XXII sanciuntur leges judiciales de furto, deposito, commodato, fornicatione, etc., denique cap. XXIII præfiguntur variæ leges judicibus, quibus præfixis subduntur quædam aliae leges de anni et diei septimi quiete, ac de præcipuis anni solemnitatibus. Promittit Deus angelum ductum et comitatum per viam, cum promissione terræ Chanaan expugnandæ. Cum autem in his cap. plures occurrant quæstiones theologæ quam scripturistica, illis omissis, has breviter perstringamus. Sit ergo

QUESTIO PRIMA. — QUÆ PARTITIO IN PRÆCEPTIS DECALOGI PRÆFERENDA ET SERVANDA SIT.

Cap. XX, 1: *Locutusque est Dominus cunctos sermones hos: scilicet decem præcepta Decalogi; hunc enim populus non per Moysen, sed immediate a Deo, id est angelo Dei personam repræsentante, accepit; ut significaretur quod lex naturæ, quæ Decalogum continetur, singulorum mentibus a Deo indita sit.*

Confusus hactenus buccinæ sonus fuerat auditus, jam articulatis vocibus Lex decalogica promulgatur, idque non sine miraculo, quatenus a tam numerosa plebe audiri et intelligi posset. Quod angelus vox tubali Decalogum promulgaverit, putat A Lapide; sed cum sonus buccinæ vox articulata non videatur, Jan-senius cum aliis, humana et intelligibili voce, ex numeris exiliente, id peractum existimat.

ꝑ. 2: *Ego sum Dominus Deus tuus, qui eduxi te de terra Ægypti, de domo servitutis.* In his verbis juxta aliquos non continetur nisi præambulum quoddam seu præfatio: Deus enim commemoratione sue majestatis, simul et benignitatis paulo ante præstite, Judeorum animos ad solum unius Dei cultum, et legum statim proponendarum observationem inducit.

Attamen dici posset cum Mario et Jansenio, quod sit præfatio quidem ad totum Decalogum, sed tamen simul etiam tacite sit præceptum affirmativum de colendo uno Deo; quod, ut uberior explicetur, sub-jungitur ꝑ. 3: *Non habebis deos alienos.*

R. et dico 1. Omnes quidem in eo conveniunt, ut decem tantum enumerantur præcepta: Decalogus enim græce dicitur quasi *decem verba*, sic namque Deut. IV, 13, hebraice nominatur *decas verborum*, quod interpres latini vertit *decem verba*, ut verbum pro tota enuntiatione et præcepto ponatur: in modo tamen distinctionis, seu divisionis non omnes conveniunt. Philo, Josephus, Athanasius, Procopius, alii Judæi et Graeci (ut refert Marius) passim, ꝑ. 5 et 4 hujus cap. id est præceptum de non habendis diis alienis, et de non faciendis sculptilibus in duo præcepta dividunt: sed in unum præceptum contrahunt quæ de concupiscentia uxoris proximi, et aliarum rerum dicuntur, ita ut sint quatuor præcepta circa Deum, et sex circa proximum.

Hæc partitio Calvinus et nostri temporis hæreticis vehementer placet, ut commodius usum imaginum expugnare possint; hanc enim divisionem avidissime sequuntur, ut demonstrent verbis illis: *Non facies tibi sculptile, aliquid aliud vetari, quam illis: Non habebis deos alienos coram me, adeoque non tantum adorationem, sed et confectionem imaginum vetitam esse.* Sed in eo errant, nam etiamsi admitteretur præcepta Decalogi modo statim proposito dividenda esse, tamen inde minime sequeretur, omnem usum imaginum vetitum esse: siquidem hic tantum prohiberi usum imaginum idolatriarum, nedum liquet ex toto contextu hujus cap. sed etiam id clarissime exprimitur ꝑ. 22, ubi dicitur: *Non facietis deos argenteos, nec deos aureos facietis vobis.* Jam autem apud omnes certum est, quod imago idolatria sit similitudo ficti vel falsi Dei, quia nempe repræsentat id quod vel a parte rei non est, vel non repræsentat tale quale est; ut cum gentiles repræsentabant et proponebant statuas Veneris, Adonidis, etc. At tales non sunt imagines Christianorum; siquidem Christianus procumbendo v. g. ante imaginem Crucifixi, hoc modo manifestat animum, quem gerit erga Deum verum, quem pro nobis passum et crucifixum novimus, ac proinde non honorat aut colit deum falsum

vel fictum, sicut faciebant gentiles. Cæterum desuper plura apud controvertistas.

Dico 2. Longe tamen præferenda videtur illa partitio præceptorum Decalogi, qua illa duo de diis alienis non habendis, et sculptilibus seu idolis non faciendis, contrahuntur in unum; dividuntur vero illa duo de non concupiscente uxorem proximi, aliaque ad eum spectantia.

Prob. I. Quia hanc partitionem tradunt Clemens Alexand. lib. VI Strom, et S. Hieron. in Psal. XXXI, item S. P. Aug. variis in locis, scilicet epist. 419, lib. de decem Chordis cap. 5 et 6, Conc. in Psal. XXXII, lib. XV cont. Faustum cap. 4, ubi dicit generaliter duo præcepta esse, scilicet *Dei et proximi diligendi.* *Duo, inquit, sunt et simul decem*, quia in decem distinguntur, tria pertinent ad *Deum*, et septem ad *proximum*. Item Q. 71 in Exod. postquam inquisivisset, ultra ex præfatis partitionibus retinenda esset, respondet: *Mihi videntur congruentius accipi tria illa (præcepta quæ sunt circa Deum) et ista septem (quæ sunt circa proximum), quoniam Trinitatem videntur illa quæ ad Deum pertinent insinuare diligenter intuentibus.*

Prob. II. Quia prohibitio idolorum a parte rei non est aliud, quam perfectione expositi ejus quod dictum erat: *Non habebis deos alienos;* ut patet ex subiuncta ratione prohibitionis ꝑ. 5, ubi repetit Deus: *Ego sum Dominus Deus tuus.* Et sane cum idololatræ in adoratione sculptilium, non tantum cultum latrice deferent fictis diis, per sculptilia repræsentatis, sed etiam ipsam sculptilia tanquam deos venerantur (ut patet ex eo quod in Scriptura vocentur *dii aurei, argentei, etc.*), dum prohibentur sculptilia, nihil aliud vetatur, quam habere deos alienos.

At vero cum aliud sit concupiscere rem seu bona aliena, aliud autem concupiscere uxorem alienam, videtur quoque aliud esse præceptum de non concupiscendis bonis alienis, quam de non concupiscenda uxore aliena.

Ratione jam allegata etiam utitur S. P. Aug. dum, ut prædictam divisionem confirmet, verbis ex cit. Q. 71 adductis subjungit sequentia: *Et revera quod dictum est, non erunt tibi dii præter me, hoc ipsum perfectius explicatur, cum prohibentur colenda figura... quod enim pertinet, non facies tibi idolum, neque ullum simulacrum: quæcumque in cœlo sunt sursum, et quæcumque in terra deorsum, et quæcumque in aqua sub terra, non adorabis ea neque serveis illis; nisi ad id quod dictum est, non erunt tibi dii alii præter me?*

Concupiscentia porro uxoris alienæ, concupiscentia dominus alienæ, in peccando differunt: eo quod nimirum, ut ibidem observat S. D. et etiam ex statim infra dicendis patebit, Scriptura distinxerit inter concupiscentiam uxoris alienæ, et concupiscentiam cuiuslibet rei alienæ.

Porro eamdem cum S. P. dividendi rationem servant communiter theologi, eamque confirmant patres Concil. Trid. sess. 14, cap. 5, et Can. 7, occultissi-

ma peccata vocantes contra duo ultima præcepta Decalogi patrata.

Dices: *Hic ꝑ. 17 dicitur: Non concupisces domum proximi tui, nec desiderabis uxorem ejus, non servum, non ancillam, non bovem, non asinum, non omnia quæ illius sunt.* Ubi concupiscentia uxoris alienæ ponitur inter concupiscentiam domus, et eam qua concupiscentur res alie ad proximum pertinentes. Quo positio, inferri posset, quod hoc ꝑ. vel continantur tria præcepta, vel unum prohibens ista omnia.

R. cum Estio, que hoc loco quodammodo confuse et minus distincte posita sunt, in Deut. tanquam in lege repetita et recognita (hoc enim sonat vox *Deuteronomium*) distinctius posita esse: nam ibidem cap. V, 21 duo illa præcepta verbo tenus ponuntur, prout hodie exprimuntur in catechismis. LXX vero utroque loco, eodem ordine hæc præcepta posuerunt, concupiscentiam uxoris alienæ ponentes primo loco; dein secundo loco concupiscentiam aliarum rerum, et seorsim utrobique adjungentes: *Non desiderabis vel non concupisces.*

Scriptura igitur non confusso, sed et discrevisse videtur concupiscentiam uxoris alienæ a concupiscentia cuiuslibet rei alienæ, quando utrumque sic capitur: *Non concupisces uxorem proximi tui, et, Non concupisces domum proximi tui: et hinc caput cætera adiungere; non autem cum dixisset, Non concupisces uxorem proximi tui, huic connexuit alia dicens, Neque dominum ejus, neque agrum ejus, neque servum ejus et cætera: sed omnino apparent hæc esse conjuncta, quæ uno præcepto videntur conlineri, et discreta ab illo, ubi uxor nominata est.* Ita rursus S. Pater Q. 71 in Exod.

Jam dicta etiam confirmari possunt hac ratione: Duo distincta sunt præcepta ꝑ. 14: *Non mæchaberis, et ꝑ. 15: Non furtum facies;* quorum prius pertinet ad servandam castitatem, posterius ad servandam justitiam. Ne vero putarent Judæi, tantum peccata externa prohiberi, etiam ꝑ. 17 prohibetur concupiscentia uxoris alienæ tanquam ad mœchiam, et concupiscentia aliarum rerum tanquam pertinens ad furtum: ergo sicuti actus externi mœchias et furti convenienter diversis præceptis prohibentur, tanquam repugnantes diversis virtutibus, castitati nimirum et justitiae; ita etiam concupiscentia uxoris et aliarum rerum, ob eamdem rationem.

Potes quare hic ꝑ. 24 et 25. Deus sibi erigi voluerit altare ex sola terra, vel ex lapide impolito.

R. Vera causa videtur esse, ut Hebræos ad idola pronus, quam longissime ab idolorum sculpturis et picturis, atque a gentium cultu rituque avocaret. Gentes enim ex marmore aut metallis solebant splendida et magnifica construere idolis suis altaria (quale fecit rex Achaz idololatra IV Reg. XVI, 10 et 15) atque in illis sculpare vel pingere imagines aut symbola, aut caracteres suorum idolorum.

Ab his ergo haec lege Hebræos avocare voluit Deus: hæc enim lex est appendix pertinens ad primum Decalogi præceptum de non faciendis idolis et sculptilibus;

unde et illi immediate subnectitur §. 24 : dum enim dixit Deus §. 25 : Non facietis deos argenteos, etc., addit §. 24 : Altare de terra facietis mihi, etc., ubi subaudiri commode potest particula sed, ita ut sensus sit : Sed altare de terra, etc. Rationem hanc dant S. Th. 1, 2, Q. 102. art. 4, ad 7. Abulensis, A Lapide, et alii.

QUÆSTIO II. — DE DIMISSIONE SERVI HEBRÆI.

Cap. XXI, 2: Si emeris servum Hebraeum, sex annis serviet tibi. Per servum non intelligitur famulus vel mercenarius, sed mancipium. In septimo egredietur liber gratis, seu sine persoluto liberationis sua pre-tio: idque initio venditionis ob futuram hanc dimissionem minus accepit, neque venditus est pro tota vita, ut servi alienigenæ. Quomodo autem hic annus septimus computari debeat, dicemus in cap. XV Deuteronomii.

R. et dico 1: Quæ de servo Hebreo præcipiuntur, ut sex annos serviat, et dimitatur liber gratis... satis constat in mysterio præceptum, inquit S. P. Aug. Q. 77 in Exod. Noluit autem Deus Iudaos in perpetuum vendi, ut scirent illorum domini, eos non tam servos esse, quam liberos, utpote liberatos a Deo e servitate Ægyptiaca, ejusque servitio addictos; ut insinuat Lev. XXV, 59.

Dico 2. Conditions in dimissione servi hebraei servandas incipit Moyses describere §. 5, ubi dicitur: Cum quali veste intraverit, cum tali exeat. Id est, vestis illi exenti tam honesta detur, quam habuit cum hero suo se venderet.

Edit. LXX, Chaldaeus, Vatablus et alii sic vertunt: Si cum corpore (id est solus et solutus) venerit, cum corpore suo exeat, id est solus seu sine uxore; ita ut primum hoc membrum opponatur secundo: si habens uxorem (nempe antequam se venderet in servum) et uxor egredietur simul.

Verum S. Hieron. hebraice linguae peritissimus, merito observavit, quod lectio nostra sit preferenda, et duo hic præcipiantur, scilicet servum non lacerum aut nudum, nec sine uxore dimitti debere. Ita Marius et A Lapide.

§. 4: Sin autem Dominus dederit illi uxorem (non hebraeam sed alienigenam, nam hebraea similiter exire poterat anno septimo) et pepererit filios et filias, mulier et liberi ejus erunt domini sui. Id est hero suo manebit serva, similiter et liberi; partus enim sequitur ventrem, ut habeat axioma juridicum.

Ipse vero exhibet cum vestitu suo. Servo libertatem adeptu, solutum fuisse matrimonium cum femina quæ adhuc manebat in servitute, docent Abulensis, Jansenius et alii: nam fuisse nimis grave, si facta separatione, et viro libertati reddito, matrimonium constitisset, ait Menochius. Attamen Estius cum aliis censem id non repugnasse vinculo matrimonii; quia poterat ab ea recedere quoad habitationem salvo matrimonii jure et usu corporis iuriusque debito; neque debebat propterea dominus privari suo jure in mulierem servam.

§. 5: Quod si dixerit servus: Diligo dominum meum et uxorem ac liberos, non egrediar liber. §. 6: Offeret eum dominus diis. Id est, judicibus et magistris, qui participant aliquid divinitatis, nempe judicariam potestatem. Hebraice habetur: Elohim, LXX vertunt: Ad tribunal Dei. Volebat itaque Deus publice hoc constare, ne daretur dominis occasio tyrannice retinendi servos suos, sub praetextu voluntariae traditionis.

Et applicabitur ad ostium et postes, non portæ civitatis aut curiae, sed domus herilis, ut patet ex Deut. XV et XVII. Insuper et pertundi subula ejus aurem ad postem (ostii) præcepit Deus, qui libertatem illam recusaret, inquit S. P. Q. 77 in Exod., idque non tantum in dedecus ejus, qui servitum libertati pretulerat, ut volunt Abulensis et Lyranus, sed ut insuper cæmeria illa admoneretur, omnem obedientiam se debere domino, atque ita posti domus affixum et ostio conclusum esse, ut illo egredi non posset nisi ex voluntate domini.

Et erit ei servus in sæculum. Quod non intelligendum est de toto tempore vita illius servi: sed sensus est usque ad annum jubilæi, qui erat Hebraicæ quinquagesimus. In jubilæo enim omnes servi hebraici dimittabantur; ut patet ex Lev. XXV, 40.

Potes quomodo intelligendum sit illud quod dicitur §. 7 de filia hebraea coempta in famulam: Non egredietur sicut ancillæ exire consueverunt.

R. Quod hic locus admodum difficultis et obscurus sit, fatetur S. P. Aug. Q. 78 in Exod. ubi ponderans ea quæ habentur hoc §. 7, usque ad §. 11, ait: Obscurissimum locum inusitatæ locutiones fecerunt, ita ut interpres nostri, quemadmodum eum explicarent, pene non invenirent... tamen quid videatur, ut potero aperiam. Atque imprimis ad illa verba: Non egredietur, etc., intelligendum est, inquit, non sic recedet, quo modo recedunt ancillæ hebraæ post sex annos. Eam quippe oportet etiam in feminam hebraeam legem datum intelligi, quæ servatur in mariibus. Cur ergo ista non ita recedet, nisi quia in illo famulatu intelligitur humiliæ quod ei se dominus misuerit? Hoc enim in consequentibus utcumque clarescit. Sequitur enim et dicit: Quod si non placuerit domino suo quam non ad nominavit eam, id est, non eam fecit uxorem, et remunerabit eam: hoc est, quod supra dixit, et non abiit ita ut recedunt ancillæ. Justum est quippe eam aliquid accipere pro eo quod humiliata est, quia non ei se ita commiscauit ut faceret uxorem, id est, ut ad nominaret eam sibi.

Itaque juxta S. P. sensus præcitat. verborum videtur esse hic: Ancilla cognita a domino, non exhibet sicut non cognita. Agitur autem de cognita per copulam carnalem, quæ tamen postea displicet domino, ut dicitur §. 8, ideoque repudiatur et dimittitur: quo tamen easu non abiit ut alia ancillæ hebraæ non cognitæ, quia haec, si v. g. puberes factæ non admittentur in uxores, non debent aliquid specialiter accipere in compensationem violatae pudicitiae, sicut alia de quibus agit S. pater. Huic expositioni conformis est explicatio Jansenii, qui per famulas

illas intelligit concubinas, seu uxores secundarias.

Dices: Verba illa, Non egredietur sicut ancillæ exire consueverunt, videntur tantum referenda esse ad servas ex gentibus, v. g. Moabitis aut Idumæis emptas, non vero ad Hebreas, et consequenter sensus §. 7 melius ordinatur hoc modo: famulæ, seu seruae hebraeæ, non egredientur sicut ancillæ gentiles exire solent.

Prob. assumpt. quia §. 7 sit distinctio inter ancillam hebraeæ et aliam; atqui per aliam tantum potest intelligi gentilis; ergo.

R. Neg. assumpt et maj. prob. nam tantum sit distinctio inter hebraeæ despontatam et cognitam, ac aliam hebraeæ nondum cognitam et despontatam, idque ob defectum pubertatis.

QUÆSTIO III. — AN LEX TALIONIS JUDÆIS PRÆSCRIPTA, FURER FOMES, AN POTIUS LIMES VINDICTÆ.

Cap. XXI, §. 12: Qui percusserit hominem volens occidere, ita scilicet ut moriatur (nam percutere passim in libris Regum, alias S. Scripturæ libris historialibus accipitur pro actu consummato), morte moriatur. Statuitur poena talionis et mortis in homicidiam, qui voluntarie et prorsus deliberate proximum suum occidit.

§. 22: Qui autem non est insidiatus, sed Deus illum tradidit in manus ejus. Agitur de illo qui fortuito occidit, vel saltem non intendit ex proposito necem alterius: que enim non sunt præmeditato consilio, peculiariter solent tribui divinae providentiae. Constitutum tibi locum in quem fugere beat. Statuitur hic jus asyli, ut interea ira cognitorum mitigetur, prout advertit Theodoretus.

§. 14: Si quis per industram occiderit proximum suum, et per insidias, ab altari meo evelles eum ut moriatur. Quo significatur, nullum pro hujusmodi homicida asylum dari, quantumvis sacer sit locus ad quem confugit. Hinc Salomon jussit occidi Joab ad ipsum altare. 5 Reg. II, 51.

§. 24: Oculum pro oculo, dentem pro dente, manum pro manu, etc. Quemadmodum §. 23 dictum fuerat: Redde animam pro anima, id est vitam pro vita; sic modo statuitur, ut quo membro quis alterum munitarit, eodem mutiletur. Unde in particulari quidem casu, sed tamen generalis sancitur lex talionis, ut qualem quisque intulit injuriam, tale supplicium peudat.

R. Et dico cum S. P. Aug. lib. XIX cont. Faust. cap. 25: Injustæ ultiōis lex justum modum figens, penam talionis instituit; hoc est ut qualem quisque intulit injuriam, tale supplicium pendat: proinde oculum pro oculo, dentem pro dente, non fomes, sed limes furoris est. Declarat id S. D. ibidem: Quis etiam [inquit] tantumdem facile contentus rependere vindictæ, quantum recepit injuriae? nonne videmus homines leviter lœsos moliri cædem, sitire sanguinem, rizque inventire in malis inimici unde satientur?

Neque tamen, ut observat Estius, est existandum, per hanc legem fuisse permisum, ut quisque Iesus privata auctoritate se vindicaret (nullatenus

enim ille servaret modum), sed lex et norma datur iudicibus, ut secundum eam iudicent de ejusmodi injuriis ad se delatis.

Nam quoniam primo carnales homines ardebat multo amplius se vindicare, quam erat illa injuria, de qua querebantur, constitutus est eis justus lenitatis gradus, ut injuriæ acceptæ mensuram nullo modo dolor vindicantis excederet, inquit rursus S. P. Aug. lib. cont. Adim. cap. 8. Christus autem huic gradui superædificans, perfectionem nobis sanctam voluit Matth. V, 39, ut omnino non vindicemus.

Potes quomodo intelligendum sit quod dicitur cap. XXIII, 19: Non coques hædum in lacte matris sue.

R. et dico: inter alias expositiones que sunt magis celebres:

1. Abulensis, Lyranus, Cajetanus secuti Philonem, Clementem Alexandrinum et S. Th. 1, 2, Q. 102, art. 6, ad 4, simpliciter hoc præceptum, ut sonat, accipiunt; ut scilicet prohibeatur hædus coqui, sive ut hebraica est, lixari in lacte materno; ita nimur, ut lac maternum subeat locum aquæ, in quo lixetur: quia sic mater quodammodo videtur simul coqui, inquit Theod. Etsi namque hædus occisus non sentiat qualiter carnes sue coquantur, tamen in animo decourentis ad quamdam crudelitatem pertinere videtur, si lac matris, quod datum est pro nutrimento, adhibetur ad consumptionem carnium ejus, ait D. Th. loco cit.

Similis misericordiae consideratione Deut. XXII, 6 præcipitur, ut comprehendens pullos in nido, dimittat matrem; quia crudele appetit utrumque simul tollere.

Altera est expositio Vatabli et Oleastri, quam, ut verisimiliorem, præferunt Marius, Jansenius, et A lapide; scilicet non coques hædum in lacte matris, id est ne occidas et coquas hædum lacentem seu quandiu sugit lac matris. Ad litteram ergo vetuit Deus occidi teneros hædos et agnos (agnum enim vertunt LXX, quemadmodum et S. P. Aug. Q. 90 in Exod. atque eadem videtur ratio hædi et agni) ut Hebreos doceret humanitatem erga homines, quando etiam erga bruta humanitatem præcipiebat. Atque hæc est expositio S. Chrysost. hom. de Innocentibus.

Utramque expositionem suggestit S. pater Q. cit. Et intellectam de Christo (qui est hædus propter similitudinem carnis peccati, ut reflectit S. Th. loco supra cit.) approbo, inquit, quod hac prophetia prædictus est non occidendum a Judæis infans, quando Herodes querens eum ut occideret, non invenit.

Posteriorem autem expositionem præferendam esse, patet: quia nusquam consuetudo fuit hædos proprie in lacte materno lixare, ut Judæis hoc prohibitum foret, inquit A Lapide.

Præterea posteriore sensum maxime præfert textus hebraicus, si in eo suppletur pronomen Ascer sive ut nos dicimus relativum, hoc modo: Non coques hædum (qui scilicet est) in lacte matris sue. Illud enim relativum, ex idiomatico linguae hebraicæ, frequenter omittitur.

Dices: Lev. XXII, 27 dicitur quod octavo die

possent hædus, agnus et vitulus offerri Domino ; ergo non videtur subsistere expositio secunda.

R. Neg. conseq. nam in sacrificiis victimarum etiam tenellarum, Deo per sacerdotem immolatis, nulla erat species crudelitatis (hanc enim expurgabat et excludebat religio), sicut erat in usu extra sacrificia.

CAPUT XXIV.

Moyses populo promulgat leges Domini ad politicam reipublicæ Judaicæ constitutionem pertinentes, quas populus acceptat, eisque se obligat. Hinc Moyses sancit fœdus Deum inter et populum, eum aspergens sanguine. Rursum jubetur in montem ascendere, ut tabulas Legis a Deo accipiat, manetque ibidem 40 diebus.

QUÆSTIO PRIMA.—DE 70 SENIBUS DEPUTATIS PRÓ POPULO, ET ALTARI A MOYSE ÆDIFICATO.

Vers. 1 : *Moysi quoque dixit : Ascende ad Dominum. Postquam scilicet leges meas populo proposueris, easque ipse acceptaverit, revertere ad hoc, ut in monte Sina legis tabulas, tanquam signum fœderis inter me et populum, ejusque quasi instrumentum et obligationem accipias.*

Quod autem dicitur : *Ascende ad Dominum, tu et Aaron, Nadab et Abiu. Id est, versus Dominum; non enim omnes hic commemorati ascenderunt in montem, sed præcipitur ut illi, tanquam capita populi, et paci cum Deo in eundi sponsores, vicinius procedant ad montem, quam populus. Deligit hic Deus Aaron, ejusque duos filios seniores Nadab et Abiu, tanquam futuros pontifices; qui tamen postea ignem alienum in sacrificio adhibentes, eodem exusti sunt, Deo vindice, Levit. IX, 4.*

Deligit et septuaginta senes ex Israel, tanquam rectores politicos et populi principes. In percussione fœderis requiritur quidem sponsio utrumque præstanta, sed quia incommodum erat ut omnes de populo sponderent, hinc nomine eorum deputantur jam enumerati.

Dico 1. Quinam fuerint illi 70 senes, non constat inter interpretes. Putant aliqui (inter quos Tirinus) fuisse illos, in quos Moyses onus et spiritum suum partitus est Num. XI, 18. Sed, ut observant Marius, A Lapide et Jansenius, hoc contigit diu post. Alii existimant hos 70 senes fuisse illos, qui ex consilio Jethro per Moysen constituti sunt *centuriones et chiliarchæ*, supra cap. XVIII, 26 : sed verisimilius est, quod fuerint ex singulis tribibus delecti primiores populi aut familiarium.

¶ 3 : *Venit ergo Moyses et narravit plebi omnia verba Domini atque judicia. Id est leges judiciales cap. XXI, XXII et XXIII descriptas. Sine miraculo autem fieri non potuit, ut vox Moysis a tot centenis millibus populi audiretur et intelligeretur : quod idem certius liquet ex iterata promulgatione legis Deut. I, 1, et Deut. XXIX, 10 et 11.*

Voluit autem Deus hæc præcepta proponi, ante-

quam cum eis fœdus iniret et tabulis firmaret, ne sibi legem tam per vim obtrusam, vel a majoribus per imprudentiam acceptatam conquererentur. Qua de causa etiam scribitur a Moyse.

Dico 2. Quod habetur de Moyse ¶ 4, *ædificavit altare ad radices montis, et duodecim titulos per duodecim tribus Israel, non debet sic intelligi, quasi duodecim tituli (sive lapides ut vertunt LXX) fuisse ab altari distincti : neque ita, ac si singulis tribibus unum altare erexisset; sed ita, ut ex 12 his lapidibus altare fuerit ædificatum, et tanquam totidem columnis impositum. Unde particula et in his verbis : *Ædificavit altare et duodecim titulos*, exegite sumit pro id est, ita ut habeat vim explicandi. Ita censent Cajetanus et Abulensis. Intelligitur enim ex duodecim lapidibus altare ædificatum, inquit S. P. Aug. Q. 97 in Exod. additque, significasse populum esse altare Dei, sicut et templum Dei.*

QUÆSTIO II. — CUR MOYES ACCEPTUM SANGUINEM PARTIM FUDERIT SUPER ALTARE, PARTIM RESPERSERIT IN POPULUM.

Vers. 5 : *Misitque (Moyses) juvenes de filiis Israel, et obtulerunt holocausta, immolaveruntque victimas pacificas Domino vitulos. Multi codices latini solebant habere : *Vitulos duodecim* : sed in hebræo, græco et chaldaeo, ac latinis correctis non habetur vox *duodecim*. Chaldaeus habet : *Misit primogenitos filiorum Israel*. Hi enim in lege naturæ juxta communiorem sententiam (uti dictum est cap. XXV Gen. Q. III et IV) erant sacerdotes : nam sacerdotium Aaronicum nondum institutum erat.*

Dices : Hi juvenes videntur fuisse filii Aaron, quia postea creati sunt sacerdotes : siquidem ita sentit S. P. Aug. Q. 23 in Lev. dicens : *Moyse ascende in montem, jubentur non ascendere sacerdotes; quos intelligere alios non possumus, nisi filios Aaron, non quia jam erant, sed quia futuri erant. Hoc eos jam tunc Scriptura appellavit per anticipationem, sicut sunt pleraque talium locutionum.*

R. Neg. assumpt. nam filii Aaron tunc nondum actu erant sacerdotes ; hi autem juvenes actu erant tales : siquidem actualiter leguntur obtulisse holocausta, etc., quod facere non potuissent, nisi fuissent actu sacerdotes. Ad auctoritatem vero S. P. dico, quod ipse non agat de illis, qui hic obtulerunt holocausta, sed de eis, qui supra cap. XIX, 22 dicuntur sacerdotes, et tum ibidem ¶ 24, tum etiam hic ¶ 2 jubentur non ascendere in montem. Hi autem, ut hic ex ¶ 1 patet, videntur fuisse filii Aaron ; adeoque non est mirum, quod S. P. dicat Scripturam eos appellasse sacerdotes, non quia jam erant, sed quia futuri erant : siquidem neque hic, neque supra cap. XIX leguntur actu sacrificasse ; sed tantum ibidem ¶ 22 præcipitur, ut, quandcumque postea accederent ad Dominum ut sacrificarent, prius sanctificarentur.

¶ 6 : *Tulit itaque Moyses dimidiam partem sanguinis, et misit in crateres. Solebant veteres, fœdera-*

victimis et sanguine sancire. Porro effusio et aspersio sanguinis in fœdere significat fore illud stabile et firmum, et etiam cum vita discrimine servandum. Significat enim, sponsorem esse reum sanguinis, et percutiendum ac dividendum, qui prior fœdus rumperet, sicut victima percussa fuerat, et sanguis ille divisus. Hinc Gen. XV, 10 et 17 Deus in signum et confirmationem fœderis cum Abramo initi, jussit immolari vaccam, arietem et capram, dividique per medium : quo facto, lampas ignis, Deum significans, per medias divisiones transiit.

R. et dico : Moyses ¶ 8 sumptum sanguinem (scilicet quoad dimidiam partem) respergit in populum. Alteram vero dimidiam partem, ut dicitur ¶ 6, fudit super altare, et simul in librum seu volumen federis (nam liber, sicut et altare, Deum hic repræsentabat, ait Jansenius), ut Moyses tanquam mediator inter Deum et populum, hoc ritu declararet, quod utraque pars se obligaret ad conditiones fœderis stabiliter servandas. Unde S. P. Aug. Q. 99 in Exod. monet advertendum, librum Testamenti cum sanguine hostiæ recitari. Librum enim æque ac populum aspersum fuisse sanguine, testatur Apost. ad Hebr. IX, 19; qui et ibidem plura supplet, quæ Moyses in succincta sua narratione hic prætermittit : loco enim cit. tradit Apost. sanguini fuisse admixtam aquam ; ut minus scilicet coagularetur, et faciliter ac copiosius in populum aspergi posset ; præterea adhibitat fuisse hyssopum et lanam coccineam, ut illis quasi aspergillo sanguis in populum respergeretur ; item cum vitulis pariter fuisse oblatis hircos. Hinc autem habuit Apost. partim ex instinctu Spiritus S. partim ex consuetudine ritus legalis, quem in lustrationibus hujusmodi usurpari solitum, tum ex Scriptura, tum ex ipsa praxi didicerat. Nam aquam sanguini misceri solitum in sacris aspersoribus, patet supra cap. XII, 22 : idem de coco sive lana coccinea ac hyssopo constat Num. XIX, 6 et 18. Rursum cum vitulis oblatis quoque fuisse hircos, inde erui potest, quod hircus, utpote fetore suo peccatum repræsentans, offerri soleret pro peccato ; ut videri potest Levit. IX, 5 et 15. Unde apte figurabat Christum, qui nostra peccata in se luenda suscepit.

Nota autem : *volumen fœderis*, quod ¶ 7 Moyses legit audiente populo, erat liber, quem recente Moyses scripsit in Sina, qui continebat Dei præcepta, universosque sermones Domini, ut habetur ¶ 4, id est omnia mandata judicialia et ceremonialia tribus præcedentibus capitibus relata, non vero præcepta decalogica : nam hæc a Deo in tabulis lapideis descripta, postea demum accepit Moyses, ut patet ex ¶ 12.

Continebat igitur jam dictus liber leges et præmissa : leges ut observandas ex parte populi ; illa enim erat conditio fœderis necessaria, unde dixit populus ¶ 7 : *Omnia quæ locutus est Dominus faciemus. Promissa autem complectebatur ut præstanda ex parte Dei; quemadmodum patet ex cap. XIX, 5, et magis ex cap. XXIII, 22 et sequentibus.*

Clarissimam autem hic figuram habemus sanguinis Christi, et aquæ effusæ in cruce de latere ejus, quibus novum Testamentum confirmatum est. Unde sicuti Moyses ¶ 8 dixit : *Hic est sanguis fœderis, sic Christus in ultima cena dixit : Hic est sanguis Novi Testamenti. Unde S. Athanas (vel quisquis est auctor istorum comment. in Epist. ad Hebr.) ita scribit : Liber et populus asperguntur, ut pretiosus sanguis præfiguretur, quo sumus ipsi, et corda hæc nostra, aspersi.*

QUÆSTIO III. — SUB QUA FORMA MOYES, ET DESIGNATI PRINCIPES POPULI VIDERINT DEUM ISRAEL.

Vers. 9 : *Ascenderuntque Moyses et Aaron, Nadab et Abiu, et septuaginta de senioribus Israel, aliquo usque in montem, ut hoc ipso populus intelligeret jam contractum fœdus Deo placere : accessus enim vicinior signum est admissionis in majorem familiaritatem; quod amplius patet in Moyse, qui postea solus ¶ 18 ingressus est medium nebulae. ¶ 10, et viderunt Deum Israel. Non per essentiam, sed per speciem aliquam sensibilem, quam divina voluntas elegit, et humana fragilitas ferre potuit. Unde S. P. Aug. Q. 101 in Exod. ait : Quod autem se ostendit specie corporali vel signis corporaliter expressis, non substantia ejus appareat qua ipse est quod est, sed assumptio formarum visibilium ejus omnipotentiæ subjicit.*

R. et dico : Communior et probabilior est opinio, Deum, id est, angelum personam ejus representantem, hic humana et augusta forma, nimur specie magnifici principis, aut regis legislatoris sese exhibuisse. Ita censem Marius, Lyranus, Tirinus, A Lapide contra Abulensem, qui putat Deum hic apparuisse in forma nubis lucidae, intra quam Dei majestas latere videbatur.

Communem sententiam confirmat, quod in hebræo pro voce Deum, non ponatur nomen Dei tetragrammaton *Jehova*, sed *Elohim*, quod Deum qua principem et judicem significare consuevit. Hinc et visus est ipsi Deus specie sedentis, ac habere pedes et sub pedibus ejus quasi opus lapidis sapphirini, et quasi cælum cum serenam est. Id est, sub pedibus ejus apparebat quasi scabellum, vel pavimentum ex sapphiro confectum.

Sapphirus autem pulcherrimi coloris est, nempe aerei et cerulei, et aureis punctis quasi stellulis collocens : ac proinde ad splendidissimam Dei majestatem, puritatem et sanctitatem representandam aptissimus est. Hinc et apud Ezech. cap. I solium Dei sapphiro comparatur : unde Marius cum aliis putat, Deum hic Moysi et senioribus apparuisse sicut Ezechieli in solo Cherubinis stipato ; atque ad hoc exprimendum postea fabricatum esse arcum, velut scabellum, seu currum glorie Dei sedentis inter Cherubim, juxta illud cap. XXV ¶ ult. : *Fac secundum exemplar quod tibi in monte monstratum est.*

Dices : Deut. IV, 15, dicitur : *Non vidistis aliquam similitudinem in die, qua locutus est vobis Dominus in*